

RNI68092/83

Regn. No. MZR/118/2023-2025


From

Synod Literature & Publication Board

Synod Office

Aizawl-796 001, Mizoram

Phone: 0389-2324590



Vol. XXXVIII No. 1

A man ₹1/-

NEWSLETTER

January 2023

### KUM THAR CHIBAI

Synod Newsletter chhiartu  
zawng zawngte Kum Thar  
Chibai kan bûk a che u.

– Editorial Staff

## LÂWRKHAWM

### PASTORAL MINISTRY THUPUI

Kum 2023-a Synod Pastoral Ministry thupui tûr chu 'I ram lo thleng rawh se' (Mt 6:10) tih a ni.

### SYNOD BUDGET

Synod Inkhâmpui 2022 chuan hetiang hian kum 2023-2024 Synod Budget a pawm:

	Hmuh tum	Hman tum
Pastoral-ah	₹2,68,02,14,000	₹2,68,02,14,000
Mission-ah	₹1,60,77,79,000	₹1,60,77,79,000
<b>Grand Total</b>	<b>₹4,28,79,93,000</b>	<b>₹4,28,79,93,000</b>

### DOCTORATE DEGREE HMU THAR

Rev. K.M. Vânlalpêka (Counselling), Rev. H. Lalnunmawia (Missiology) leh Rev. K. Lalchhuanawma (Religion)-te chuan viva voce pal tlangin doctorate degree an dawng thar.

### HOSPITAL RAM HUNG ZO

Synod Hospital, Durtlâng ram chu Synod suma hung zawh a ni ta.

### HRIATTIRNA

Synod Newsletter hi colour-a chhut a nih aţangin a hun taka chhuah theih loh châng leh a fiahfai tâwk loh châng a awm thîn a. Hei vâng hian Synod Executive Com-mittee chuan Synod Press-a chhut theih tûrin black & white-a tihchhuah leh mai ni se, tiin a rêl a (SEC 298:118 of Nov. 8-9, 2022). Chuvângin, January 2023 aţang hian black & white-in a rawn chhuak leh ta a ni tih kohhranhote kan inhriattîr a ni e.

Synod Moderator Kum Thar thuchah

## THLEN CHIN AţANGA HMASÂWN

(Bible chhiar : Phil 4:4; Rom 13:8)

– Rev. Dr. C. Chawngmingliana



Thuhmahruai

2023 kum thar kan lo chuangkai leh ta dêr mai. He kum thar lâwmawm tak min hruai thlengtu Lalpa chu fakin awm rawh se. Mizoram Presbyterian Kohhran Synod aiawhin, chhûngkaw tinte Pa leh Fapa leh Thlarau Thianghlim hmingin Kum Thar Chibai ka bûk a che u. He kum tharah hian kan thlen chin aţanga hmasâwn zêl tûrin kan puan ven i sawi chhîng ang u.

Hmasâwn tih chu 'a ţa lam zâwng a thang, hma lam pana kal' tihna a ni ber a. Mihring khawsak phunga pawimawh êm êm mai chu 'hmasâwnna' hi a ni. Hmasâwn tum lo mi chu a changkâng tak tak thei lo va, mi ngaihsân a ni thei bawk hek lo. Tûnlai khawvêlah hmasâwnna hi chak takin a kal a, a zuanin a zuang a ni ber mai. Hetih lai hian, Pathian thuh leh rinna kawngah pawh hma kan sâwn ve zêl a ngai a. Ringtu ni sia hmasâwn tum rêng rêng lo chu 'tui luang chhuak lo ang' a ni a, a rimchhiain a tenawm thuai thîn. Hmasâwn tûr chuan tûna kan thlen chin hriat a pawimawh a. Tûna kan thlen chin aţang theuhva hmasâwn tûr a ni. Ringtute tân hmasâwnna tûr thil tam tak a awm a. A zawng a za chuan kan sawi hman dâwn lo va, kawng hnih chauh i lo thlîr ho teh ang.

### 1. Lâwm nachâng hriat

Khawvêl mihring hi hlâwm hnih, lian pui puiah an then a. Pakhat zawk chu Optimist an ti a. Chu chu – thil rêng rêng a êng zâwng a thlîr mi, a ţa zâwng hlîra thlîr mi tihna a ni. A dang leh chu Pessimist an ti a. Chu chu – thil rêng rêng a thim zâwng hlîra thlîr mi, a pik zâwng hlîra thlîr mi tihna a ni. Ringtu chu thil a ţa zâwng a thlîr mi, a êng zâwng a thlîr mi a ni tûr a ni. Tûnlai kan nun leh kan ringtu nunte hi han thlîr ila, a ţa lai tam tak a awm laiin a ţa lo lam hmuh tûr a awm tho bawk. Famkim lohna khawvêlah kan la chêng miao va. Tûnlai kan Pathian thu sawi dân tam ber te hi, a chhe zâwng hlîr hian thil kan thlîr em ni chu aw, a tih theih rum rum mai.

Kohhran nun han sawi nikhua te hian, Krista avânga kohhran nun nawmna lai sawi duh mang si lovin a fel lo lai leh duhawm lo lai kan dap khâwm a, kohhran hi ara chuk tui lo leh awmna tlâk pawh ni lo hiala chhuah te kan chîng a. A ţa lai sawi tûr a tam tehlu nêl! Kan ram Kristian nun han sawi nikhua te

hian, Krista avânga dik tak leh fel taka tia, Krista avânga thil tam tak châte nun sawi khûmin, a der maia Krista hnung zuitute chanchin hi kan ringtu nun sawi leh chiam thîn. Sawi tûr dang tam tak a awm. Hêng aţang ringawt pawh hian hmasâwnna tûr chu kan nei hlein a lang.

Kan Bible thianghlim chuan, "Lalpaah chuan lâwm fo rawh u, ka ti leh pek thîn ang, lawm rawh u," min ti lawm lawm si a. Pulpit tlângah leh khawhar lènpui nikhuaa thusawitu tam tak hi chuan an thinrimna thu an au chhuahpui hi a ni ber mai a, an thinrim an hri thla a ni ber awm e. Hetianga a thim zâwng hlîra kan thlîr avâng hian thenawm khawvêng leh thenrual ţate pawh kan inhmu hêr vek a, chu chuan inrin loh tawna ruamah min hnûk lut a, a tuate mah kan inring ta mang lo a nih ber hi! A pawî ngawt mai.

Kan Bible chuan, "Mahni aiin mi dang ţa zâwkah ruat theuh rawh u," min ti daih mai a ni. Mi dang sualna leh ţat tâwk lohna lai zawng zawng lovin, an ţatna lai zawng tlat ila, kan zawn tlat chuan kan hmu êm êm ang, "Zawng rawh u; tichuan, in hmu ang," tih ziak ang khân. Tichuan, mi ţatna lai kan zawng tam tial tial ang a, kan hmu tam tial tial ang. Kan chunga thil lo thleng zawng zawngah hian lâwm thu sawi kan ba a ni, kan Bible-in, "Lâwm fo rawh u," tiin min bat tlat a ni. Khawvêl mite chu thil siamah an lâwm a; ringtu erawh chu thil zawng zawng siamtu Pathianah a lâwm a, a hlim thîn. A lâwmna chu Lalpa dânah a ni zâwk.

A lâwmawm leh a ţa zâwngin thil kan thlîr tûr a ni kan tih hian, a ţa lo lai sawi hauh loh tûr tihna chu a ni chiah lo. Pathian thu nêna inrem lo lai chu kan sawi tel ve tho tûr chu a ni ang. Mahse, kan thusawi tam ber chu a ţa lam thlîrna a ni tûr a ni. "Lalpaah chuan lâwm

(Phêk 2-naah chhunzawm a ni)

# SYNOD Newsletter

## EDITORIAL STAFF

Rev. Lalbiaknia  
Rev. V.L. Luaia Hranleh  
Upa K. Lalnginglova  
Zohmingliana Colney

## Editorial.....

### MI DANGTE TÂNA NUN

Synod Newsletter chhiartu zawng zawng Kum Thar chibai kan bûk a che u.

Kan khawsak dân hi a chang-kâng êm êm tawh a; chuvângin, mi tin hi kan tûl êm êm theuh mai. Kan hnathawhah kan tûl hle a ni thei e, zin veivâk mi pawh kan ni thei e, kohhran leh khawtlângah kan pawimawh hle a ni thei e, pâwl (Association)-ah kan tûl hle a ni thei. Amaherawhchu, tûlin pawimawh hle mah ila, he kum tharah hian –

Pathian theihngihl leh tawng-tai hman lo te, Bible chhiar hman lo khawp tein awm lo ila. Kan chhûngte leh mi dang ngaihsak hman lo leh be hman lo khawp chuan duhâm lo ila. Kan chhûngte leh thiante chhiatni thatnia kal hman lo khawpin inti tûl lo ila. Mi dangte pawh theih loh leh biak phâk loh khawp te, mi dang puih ngai tanpui hman lo khawp tein intipawimawh hek lo ila. Mi dangte thatna leh tângkaina hre hman lo leh, mi dangte fak hman lo khawpin inchhu ngêng lo ila. Mi dangte hnena lâwm thu sawi hman lo leh sawi ngai lo khawpin i awm suh ang u.

Mihring hi a huhova nung tûra siam kan ni. Mi dang kan mamawh a, mi dangin min mamawh bawh a, inmamawh tawn vek kan ni. Mi tângkai kan ni thei vek a, mite tanpui theihna remchâng kan nei theuh tih hi i hre reng ang u.

### PRO. PASTOR THAWK LAI AWMNA HMUN SIAM REM

James B. Ramhmingliana	Marpara N
Vânalfakawma Renthlei	Dâwrpui Vêngthar
ST Lala	Kulikâwn
Lalhmunsânga	Hunthar
Lalchuanvâwra Hmâr	Zêmabâwk
Lalthansânga Renthlei	Luangmual
Z. Lalduhzuala	Ramhlun
R. Lalhlmpuia (SMB)	Bethlehem Vênglai
H. Vânlahruaia	Bûngkâwn
<b>Manipur Area/Tangphai Provisional Synod (TPS)</b>	
Minthianboi	D. Phailian

(Phêk 1-na chhuzawmna)

fo rawh u,” tihah hian ‘fo’ chuan reng tih a kâwk chuang lo. Mahse, fo chu zeuh zeuh ai chuan a zingin a tam zâwk. Lal Isua pawh khân Pharisaite leh lehkhaziaktute leh sakhaw puithiamte kha a dem châng chu a awm ngei mai. Mahse, a thusawi tam zâwk kha chu a negative lam aini a positive lam a ni zâwk mah. Thusawi tluangtlam lam a tam êm êm.

Lalpaa lâwmna hmu mi chuan Lalpaah chauh lâwmna a hmu a ni lo va, a mihringpuite lakah pawh lâwmna leh hlimna a hmu thîn.

### 2. Inhmangaih tawanna

Hma kan sâwnna tûr dang leh chu ‘inhmangaih tawanna’ lamah hian a ni. Mihring nun hona atâna pawimawh êm êm mai chu inhmangaih tawanna hi a ni.

Vai ramah te han kal ila, mi fel tak tak chu an awm; mahse, an nunphung han thlîr ila, an awhawm viau lêm lo. Rethei leh hausa inkâr a hla lutuk a, a hla tial tial bawh si. Keini Mizoram han thlîr ila, a ropui ka ti thîn. Ram dang ai chuan mi hausa leh rethei kâr hi a zîm ka ti. Puipun nikhuaah rethei leh hausa kan thu tlâng thei a, chaw kan kîl ho thei a, Lalpa kan fak tlâng thei a, thawhlâwm kan intuk pawhin kan chhûngkaw khawsak dân leh sum

leh paia kan dinmun azirin kan la ti thei. A va lâwmawm êm! Hêng zawng zawng hi Lalpa hmangaihna zâr a ni. Thisen hmun khata hrin kan nih vâng a ni.

Vai ramah chuan chi t̄a leh chi hnuaihningte, mi hausa leh rethei (kutdawh)-ten chaw an kîl tlâng thei lo, busah pawh an thu tlâng thei lo, Lalpa hmangaihna an la chang ve lo a ni. An va khawngaihthlâk êm! He inhmangaih tawanna hi kal zêl tûr leh kan inbat tawn tûra chu a ni. A nuam êm mai. Ngai teh, unaute inngaih dial diala awm khâwm hi a va thain a va nuam em!

Vânram nawm êm êmna tûr pawh hmangaihna khawpui a nih vâng a ni. Hmangaihna khawpuiah chuan intihnat rêng rêng a awm tawh lo vang. Chinghnia leh berâm, inhal tak thîn pawh an tla ho dial dial tawh ang. Sakeibaknei pawhin bawngno seh a tum tawh hek lo vang. Intihnat duhna rilru an pu tawh lo vang. Hei ngei hi Lalpa malsâwm ram rim, vân nunzia chu a ni. Chu inhmangaih tawanna chauh chu kan inbat tawn tûra kan Bible thianghlimin min hirih chu a ni. Bânsan lovin i vawng nung zêl ang u. Vawng nung zêl chauh pawh ni lovin, he kan dinmun t̄a tak a tang hian hma i sâwn zêl ang u.

## MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missionology (B.Miss.) zir duh tân dil theih a ni leh ta. Dilna Form leh Prospectus hi ₹5/-in office hun chhûngin MTC Office a tangin lâk chhuah theih a ni. Application Form hi MTC website – <https://www.mtc.edu.in> ah download theih a ni bawh.

Dil thei chin	: Class XII pass chin
Dilna theh luh hun hnuhning	: 9 February, 2023
Entrance Test	: 21 February, 2023; 9:30 a.m. @MTC
Interview	: 24 February, 2023; 10:30 a.m. @Synod Committee Room-I

Ph. No. 2310157/2301337/9612164982

Principal  
Missionary Training College

### CO-ORDINATOR-TE AWMNA SIAMREM

Hetiang hian Synod Office-a Co-ordinator-te awmna siamrem a ni a, January, 2023 a tangin an awmna tûrah hian an awm tan (Ref. SEC 299:12):

Hming	Awm mêkna	Awmna tûr
1. Upa Lalrinmuana	Synod Hospital	Synod Hospital
2. Upa H. Lalhmingmawia	Worship	Social Front
3. Pi H. Lalfakmawii	Kohhran Hmeichhia	Kohhran Hmeichhia
4. Pu Lalchhûngliana	Synfo	Worship
5. Upa Rochungnunga	KTP	Superintendent
6. Pi Lalpianthangi Hrahsêl	MSSU	MSSU
7. Upa Lalmuanpuia	Service Board	KTP
8. Upa Lalbiakênga Fanai	SMB	Service Board
9. Upa Lalthahluna Râlte	ATC	SMB
10. Pu John Lalhrualtuana	Archives	Synfo

# Râl Vêngtu

Kum Thar tûkah chuan Râl Vêngtu chu a vên bûkah a vei tawn sek a. A che vêl hmutute chuan a bul hnaia lo kalin, "Râl Vêngtu, vei nei i va ang ve! Eng nge min hrilh tûr i nei em?" tiin an zâwt a.

Râl Vêngtu chuan, "In thatna tûr ka ngaihtuah a. Kum tharah hian in tanhmun thlâk tawh rawh u," a ti a. Mipuite chuan, "Engtin nge tanhmun kan thlâk ang? Eng nge a awmzia?" tiin an zâwt a.

Râl Vêngtu chuan, "Pa pakhat hian sakhi thang a kam a. Ni khat chu thang a va en a, sakhi hi a lo awk a. A bul a thlen chuan sakhi chu a tâl chhuak a, a tlân bo ta a. Tlai lama a hawn chuan a thiante hnênah, a sakhi awh a tâl chhuaka a tlân bo chu a lâwmzia a sawi a. A thiante chuan an uipui thu sawi pahin engtizaa lâwm nge a nih an zâwt a. Ani chuan, 'Ka tanhmun ka thlâk a, sakhi lamah ka tang a. A tâl chhuak kha lâwmawm tak a ni,' a ti ta a.

"Nangni pawh in tanhmun thlâk rawh u. Tawngkama thu tha tak tak sawi ringawt aiin a taka thlan tlaa hnathawk thîn ngaisâng zâwk ula. Hlâwkna dik lova hausa aiin mi dik leh rinawm ngaisâng tawh zâwk ula. Mahni thawh chhuah phu tâwka inchei thîn ngaisâng tawh rawh u. Hnam dang incheina leh nun dân entawn aiin Mizo tlâwmngaihna leh Kristian nun dân tha ngaisâng zâwk ula. A mak leh dangdai aiin thutak, belh chian dâwl ûm rawh u. Biak In leh Chawlhni chauhva thlarau mi aiin ni tin hnaa rinawm, dik leh taimâk hi thlarau mina a ni tih hre tawh ula. Mahni infak lovin mi dang fak tlâkin nung tawh ula. A thlâwna sem leh dawn leh, hlâwkna dik lova hausak aiin dik tak leh taima taka thawh chhuah ngaisâng zâwk ula. Sum tam tak aiin hmingshat hi thlang zâwk tawh rawh u. Tichuan, in tanhmun in thlak a ni ang," tiin a hrilh ta a.

## SYNOD HOSPITAL, DURTLÂNG THILPÊK DAWNTE

(November 2022)

### I. CHARITY FUND

1. Mility, Hruidak	₹ 7,000
2. Pu Zodiniana, Mission Vêng	₹ 2,000
3. Students Christian Movement ATC Unit	₹ 34,000
4. Pârvatui Kohhran – An kohhran centenary hriat reng nân	₹ 5,000
5. Kulikâwn Kohhran Pavalai Pâwl – An din champha kum 17-na pualin	₹ 5,000
6. Suarhliap Kohhran Hmeichhia	₹ 2,000
7. Thingdawl Vênglai Kohhran Sacrament Department zirlai	₹ 500
8. Pu Liantluanga Colney & Family, Ramhlun North	₹ 33,500
9. Bûngkâwn Kohhran Pavalai Pâwl	₹ 10,000

### II. THISEN PETUTE

1. KṬP, Dintar Branch, Aizâwl	Unit zât 39
2. KṬP, Chanmari West Hmâr Vêng Branch	38

3. KṬP, Armed Vêng Pastor Bial	37
4. KṬP, Châltlâng Lily Vêng Branch	32
5. KṬP, Bethlehem Vênglai N Branch	25

### IV. THIL DANG PETUTE

1. Chief Minister Office – ₹5,000/-
2. KC Lalbiaktluangi leh a fate, Ramthar Vêng, Aizawl – Kristian Hla Bu 10 (A pasal Lalrawngbâwla hriat reng nân)
3. KṬP, Lungphun Branch – thutthlêngsei 5 leh hmunphiah
4. Vaikhawtlâng Kohhran Pavalai Pâwl – thutthlêngsei (Bench) 2

### V. PAWISA DAWN ZAWNG ZAWNG ₹1,04,000

Rev. R. Ramdinmawia  
Chaplain, Synod Hospital, Durtlâng.

### PASTOR NEMNGHEH THARTE LEH AN AWMNA TUR

Vânlainghâka Râlte	Basirhat, Calcutta Field
R. Lalruata	Bungtlang South
Lalnunpuia	Vathuampui
Lalngaihawma	Lungsen
Andy Vânlalduala	Mirik, Siliguri Field
R. Lalnunzira	Kakarvitta, Nepal Field
Laltlanmawia	Diphu, Karbi Anglong Field
Lalrinpuia	Boleng, Arunachal N Field
Lalduhsânga Hmâr	Tlabung Zodin

### Synod Mission Board

J. Lalremruata	Bagha, Barak Area (Bengali)
Lâwmsângkima Ngênte	Ara, Patna Field
Lalrindika Pachuau	Agartala, Tripura Field (Bengali)

### Field Worker

Joseph Jerang	Itanagar, Arunachal W Field
---------------	-----------------------------

### Manipur Area/Tangphai Provisional Synod (TPS)

Lalgin Vaiphei	Phailianbung, Manipur
H. Lamthianmuan	Dumlian, Manipur

### PRO. PASTOR LAK THARTE LEH AN AWMNA TÛR

R. Lalengkima	Chawngte P
Lalrinchhana Pachuau	Keifang
R. Lallâwmawma	Tlabung Chawnpui
C. Lalnunluanga	Tuithumhnar
C. Lalremruata	Tlabung Zodin
C. Zokûnga	Chhingaveng
C. Lalnunkima	Sangau
Chungnunglûra	Chawngte L
Jonathan Lalruatkima	Zawlpui
Emmanuel V. Lalhmimgawia	Cherhlun

### Synod Mission Board

R. Lalthansiamia	Bairabi
Zosângliana Pachuau	Tipa

### Field Worker

Vishnu Kumar	Ara, Patna Field
Rosilal Soren	Pakur, Jharkhand Field
Susan Syangbo	ITI Veng
Mrinmoy Mondal	Bagha
Shivam Singh	Lucknow E

### Tangphai Provisional Synod

Lalgoulian	New Lamka
S. Lun Muan Thang	Lamka

**Induction hun ruat:** Synod Officers' Meeting (OM) chuan Pastor Induction leh Pro. Pastor installation hun atân January ni 15, 2023 (Pathianni) a ruat.

**Synod Office hawn tan hun:** January ni 5, 2023 (Ningani)-ah kum 2023 atân Synod Office hawn tan a ni ang.

**MCC Master Plan:** Tanhrila sak tûr Mizoram Christian College (MCC) Master Plan chu SEC-in a pawm (SEC 298:72).

**Pathian thu zir chhuak, Ordained Ministry-a lût lote tanpui dâwn:** SEC 298:87 chuan Pathian thu zir chhuak, Ordained Ministry-a lût lote tanpui dân tûr ruahmanna chu hman nghâl tûrin a pawm.

**John Williams Hospital zauh dâwn:** SEC 298:105 chuan John Williams Hospital, Lunglei zauh nân in ding lai, RCC Building lei a rem ti.

**MS ruai chhunzawm dâwn:** Dr Ramdinthara Sailo, Medical Superintendent, John Williams Hospital, Lunglei chu kum 2023 chhûng rawih chhunzawm leh a ni ang.

**Synod Bookroom kawt ram pe dâwn:** Synod Bookroom Headquarters building showroom kawt ram tlêm la hêka vântlâng kawng tihzauh nâna Mission Vêng Local Council-in an dîl chu an dîl angin rem tih a ni (SEC 298:109).



### SAWMNA

Bâktâwng Vênglai Kohhran chuan January ni 23–26, 2023 chhûng khian an kohhran Golden Jubilee an lâwm dân a. He hun hmanpui tûr hian an kohhrana lo lawi tawhte leh Bialtu Pastor leh Pro. Pastor lo ni tawh zawng zawng an sâwm.

### HMING THLAK

Hetieng hian kohhran leh Bial hming thlâk a ni:

1. Barak Area-a 'Cachar Kahrawt Kohhran' tih chu 'Kahrawt Kohhran' tiin.
2. 'Cachar Kahrawt Bial' tih chu 'Kahrawt Pastor Bial' tiin.
3. 'Damdiai Kohhran' tih chu 'Vervek Kohhran' tiin.
4. 'Happy Valley Presbyterian Kohhran' tih chu 'Thembazuk Vaiphei Presbyterian Church' tiin.
5. 'Khawlailung Vênglun Kohhran' tih chu 'Khawlailung Kohhran' tiin.
6. 'Leitan Ramthar Kohhran' tih chu 'Leitan East Kohhran' tiin.
7. 'Govt Complex Kohhran' tih chu 'Ainâwn Vêng Kohhran' tiin.
8. 'Cachar Kahrawt Kohhran' tih chu 'Kahrawt Kohhran' tiin.
9. 'Kodomtola Kohhran' tih chu 'South Magura Kohhran' tiin.

### KUM 2023-A SYNOD PUIPA TURTE

- Moderator : Rev. R. Vânlalngâka Chanmari
- Secretary (Sr) : Upa B. Lalhmunliana Bethlehem Vênglai
- Secretary (Jr) : Rev. P.B. Mankima Chhînga Vêng
- Fin. Officers : Rev. V.L. Luaia Hânleth Executive Secretary  
Rev. P.C. Pachhûnga Mission Vêngthlang
- Statistician : Upa Dr Lalnunsiam Colney Ramthar Tlâng Vêng
- Senior ES : Rev. C. Zoramawia
- Exe. Secy. : Rev Dr K. Lallâwmzuala

Kum 2023 Synod hi a vawi 100-na tûr a ni a, Mission Vêng Bialin Mission Vêng Kohhran Biak Inah a thleng ang.

## SYNOD INKHAWMPUI TLUANG TAKA NEIH A NI

Synod Inkhawmpui vawi 99-na chu December ni 6–11, 2022 chhûng khân Khatla Pastor Bialin Khatla Kohhran Biak Inah a thleng a. Thlarau lam thupui, 'Pathian Ialna leh thuneihna' (Rom 11:36) tih chu Rev. Lalsângmuana i/c Bethlehem Vênglai Pastor Bialin a sawi. Puipate chu hêng mite hi an ni:

#### Moderator

Rev. Dr C. Chawngmingliana

#### Secretaries

Rev. Z.D. Lalhmachhuana (Sr)

Upa B. Lalhmunliana (Jr)

#### Finance Officers

Rev. V.L. Luaia Hânleth

Rev. P.C. Pachhûnga

#### Statistician

Rev. Lalsângbera

#### Senior Executive Secretary

Rev. C. Zoramawia

#### Executive Secretary

Rev. Dr K. Lallâwmzuala

Rorêl langsâr han târ lang ila.

1. Kan rama kohhran behchhan mumal nei lote seng khâwm dân kawng zawn chungchângah, Pastor Bial tinah a thara tan lâk ni se tih a ni.
2. Kohhran pawimawhna inzirtîr leh rawtna chungchâng chu, Pastor Bial tinah chak zâwkin hma lâk ni se tih a ni.
3. Corruption leh a kaihnawih do chungchângah, kohhranin nasa zâwka hma lâk tha tih a ni a, SEC bawhzui tûra dah a ni.
4. Synod Hall lian nei tûra hma lâk mêk chu, chhonzawm zêl rem tih a ni.
5. PRESCOM dinhmun en that rem tih a ni.
6. Nau piang kan pun theih nân Bial leh kohhranin hma lâk ni se tih a ni.
7. Mizo mipa thi rate sâng mêk a ziaawm theih nân Synod-in hma lâk rem tih a ni.
8. Synod Service Board hna lâk dân en that rem tih a ni.
9. Nupa Chungchâng Dân en that rem tih a ni.
10. Bial hmui awm lo tûra rawtna chu, kum 2023-a hman tan tûrin SEC-in lo bawhzui rawh se, tih a ni.
11. Synod Hospital dinhmun en that rem tih a ni.
12. Mizoram Land Reform leh Land Ceiling a neih nâna hma lâk rem tih a ni.
13. Tûmkau Ni chawhma inkhawm hi kum 2024 aţangin Sunday School awm lovin Tûmkau Ni programme-a hman tawh tûra tih a ni.
14. Mizoram Assembly inthlanpui atân ram pum huapa ţawngţai rual rem tih a ni.
15. Kan ram politics siam tha tûra hma lâk rem tih a ni a, SEC-in chak zâwkin hma lo la rawh se, tih a ni.
16. Mizoram cancer a lo tlêm theihna tûra hma lâk rem tih a ni.
17. Mizoram State Lottery titâwp tûra hma lâk rem tih a ni a, sawrkâr ngen tum a ni.
18. Pay Commission din rem tih a ni.
19. Synod Mission Board hnuai Contract Missionary-te chungchâng zir chianna leh rawtna chu – SEC-in hman nghâl tûrin zût mâng ngai apiang lo zût mâng rawh se, tih a ni.
20. Synod Inkhawmpui vawi 100-na lawm rem tih a ni.
21. Synod Mission Board hnuai Pastor lâk dân policy neih rem tih a ni.
22. Pastor Quarters Type Plan leh a rate en that rem tih a ni.
23. Synod thlengtu puihna rate chu chêng nuai 10 aţangin nuai 15-a tihsâna, kum 2022 aţanga hman nghâl rem tih a ni.
24. FG&CC Counsellor Quarters sak policy neih rem tih a ni.
25. Synod Hospital kum 100-na puala project neih rem tih a ni.
26. Education tihmasawn nâna kohhran leh sawrkâr thawh dun rawt chungchâng chu SEC bawhzui tûra dah a ni.

**Coordinator post hnawh khat:** Synod Office-a Asst. Coordinator pahnih – Upa Lalthahluna Râlthe leh Pu John Lalhruaitluanga-te chu Asst. Coordinator aţangin Coordinator-ah kaisântîr an ni a, January ni 5, 2023 aţangin an hna tharah an bung tan ang.

**Hmangaihna In Superintendent:** Pi C. Lalbiaktluangi, Asst. Area Promoter, Cachar Tlângram, Barak Area chu Hmangaihna In Superintendent atân ruat a ni a, January ni 5, 2023-ah a hna a zawng ang.

**Hawn belh dân:** Sikulpuiah A Pâwl leh B Pâwl hawn belh a ni dân a, hemi atân hian zirtîrtu post thar pahnih siam belh a ni ang.

**Executive Secretary-te hna chanpual siamrem:** Hetiang hian Synod Executive Secretary-te hna chanpual siamrem a ni (An chanpual pângngai bâkah) – Rev. C. Zoramawia, Senior ES-in Endowment Fund; Rev. V.L. Luaia Hânleth, ES-in Social Front; Rev. Dr K. Lallâwmzuala, ES-in Mizoram Christian College (MCC).